

**D.R. 18/2015**

**RANG UNDANG-UNDANG**

*b e r n a m a*

Suatu Akta untuk meminda Akta Antipemerdagangan Orang dan Antipenyeludupan Migran 2007.

[ ]

**DIPERBUAT** oleh Parlimen Malaysia seperti yang berikut:

**Tajuk ringkas dan permulaan kuat kuasa**

1. (1) Akta ini bolehlah dinamakan Akta Antipemerdagangan Orang dan Antipenyeludupan Migran (Pindaan) 2015.

(2) Akta ini mula berkuat kuasa pada tarikh yang ditetapkan oleh Menteri melalui pemberitahuan dalam *Warta* dan Menteri boleh menetapkan tarikh yang berlainan bagi permulaan kuat kuasa peruntukan yang berlainan Akta ini.

**Pindaan seksyen 2**

2. Akta Antipemerdagangan Orang dan Antipenyeludupan Migran 2007 [*Akta 670*], yang disebut “Akta ibu” dalam Akta ini, dipinda dalam seksyen 2 dengan menggantikan noktah di hujung takrif “premis” dengan koma bernoktah dan memasukkan selepas takrif itu takrif yang berikut:

‘ “tempat perlindungan” ertinya tempat perlindungan yang telah diisytiharkan oleh Menteri di bawah subseksyen 42(1) Akta ini.’.

**Pindaan seksyen 6****3. Subseksyen 6(2) Akta ibu dipinda—**

(a) dengan memotong perenggan (c);

(b) dengan memasukkan selepas perenggan (l), perenggan yang berikut:

“(la) Ketua Pengarah Jabatan Pembangunan Wanita, atau wakilnya;

(lb) Ketua Pengarah Jabatan Kebajikan Masyarakat, atau wakilnya;

(lc) Ketua Pengarah Tenaga Kerja, Jabatan Tenaga Kerja Semenanjung Malaysia, atau wakilnya;

(ld) Pengarah Tenaga Kerja, Jabatan Tenaga Kerja Sabah, atau wakilnya;

(le) Pengarah Tenaga Kerja, Jabatan Tenaga Kerja Sarawak, atau wakilnya;”;

(c) dengan menggantikan perenggan (m) dengan perenggan yang berikut:

“(m) seorang wakil Kementerian yang berikut:

(i) Kementerian yang bertanggungjawab bagi keselamatan dalam negeri;

(ii) Kementerian yang bertanggungjawab bagi pertahanan;

(iii) Kementerian yang bertanggungjawab bagi perkhidmatan perubatan dan kesihatan;

(iv) Kementerian yang bertanggungjawab bagi pembangunan belia dan sukan;

(v) Kementerian yang bertanggungjawab bagi perdagangan antarabangsa dan industri;

- (vi) Kementerian yang bertanggungjawab bagi perusahaan perladangan dan komoditi;”.

## **Bahagian baru IA**

4. Akta ibu dipinda dengan memasukkan selepas Bahagian I Bahagian yang berikut:

### “BAHAGIAN IA

#### JAWATANKUASA PERINGKAT TERTINGGI

#### **Jawatankuasa Peringkat Tertinggi**

**5A.** (1) Suatu Jawatankuasa Peringkat Tertinggi hendaklah ditubuhkan yang terdiri daripada Menteri bagi Kementerian yang merupakan anggota Majlis.

(2) Jawatankuasa Peringkat Tertinggi hendaklah dipengerusikan oleh Menteri.

#### **Mesyuarat Jawatankuasa**

**5B.** Jawatankuasa Peringkat Tertinggi hendaklah bermesyuarat dengan seberapa kerap yang perlu.

#### **Fungsi Jawatankuasa**

**5c.** Jawatankuasa Peringkat Tertinggi hendaklah menimbang teliti dan memutuskan syor yang dibuat oleh Majlis.”.

## **Pindaan seksyen 7**

5. Subseksyen 7(1) Akta ibu dipinda—

(a) dengan memotong perkataan “dan” yang terdapat di hujung perenggan (j); dan

(b) dengan memasukkan selepas perenggan (j) perenggan yang berikut:

“(ja) membayar apa-apa elaun, tertakluk kepada ketersediaan wang, kepada orang yang diperdagangkan sebagaimana yang boleh ditentukan oleh Majlis; dan”.

### **Pindaan seksyen 11**

6. Seksyen 11 Akta ibu dipinda—

(a) dengan menomborkan semula seksyen itu sebagai subseksyen (1); dan

(b) dengan memasukkan selepas subseksyen (1) subseksyen yang berikut:

“(2) Setiausaha Majlis hendaklah mempunyai apa-apa kewajipan dan fungsi yang berhubungan dengan Majlis sebagaimana yang ditentukan oleh Menteri.”.

### **Pindaan seksyen 42**

7. Subseksyen 42(1) Akta ibu dipinda dengan memotong perkataan “, pemberitahuan dalam *Warta*,”.

### **Pindaan seksyen 43**

8. Seksyen 43 Akta ibu dipinda—

(a) dalam subseksyen (1), dengan memotong perkataan “, pemberitahuan dalam *Warta*,” dan perkataan “dalam pemberitahuan itu”; dan

(b) dengan memasukkan selepas subseksyen (1) subseksyen yang berikut:

“(1A) Menteri boleh melantik mana-mana orang yang difikirkan sesuai oleh Menteri untuk menjalankan kuasa dan melaksanakan kewajipan seorang Pegawai

Pelindung di bawah Akta ini tertakluk kepada apa-apa syarat sebagaimana yang dinyatakan.”.

#### **Pindaan seksyen 44**

9. Subseksyen 44(2) Akta ibu dipinda dengan menggantikan perkataan “empat belas hari” dengan perkataan “dua puluh satu hari”.

#### **Pindaan seksyen 51**

10. Seksyen 51 Akta ibu dipinda—

(a) dalam subseksyen (1), dengan menggantikan perkataan “empat belas hari” dengan perkataan “dua puluh satu hari”; dan

(b) dalam subperenggan (3)(a)(i), dengan menggantikan perkataan “dua tahun” dengan perkataan “tiga bulan”.

#### **Seksyen baru 51A**

11. Akta ibu dipinda dengan memasukkan selepas seksyen 51 seksyen yang berikut:

**“Kebeneran bagi orang yang diperdagangkan untuk bergerak bebas dan untuk bekerja**

**51A.** (1) Tertakluk kepada mana-mana peraturan-peraturan yang dibuat di bawah seksyen 66, mana-mana orang yang kepadanya perintah perlindungan interim telah diberi, atau mana-mana orang yang diperdagangkan yang kepadanya Perintah Perlindungan telah diberi, boleh diberikan kebenaran oleh Majlis—

(a) untuk bergerak bebas; atau

(b) untuk diambil bekerja, bertugas atau berkontrak dengan untuk menjalankan kerja dalam apa-apa pekerjaan semasa tempoh perintah perlindungan interim atau Perintah Perlindungan, mengikut mana-mana yang berkenaan.

(2) Seseorang warganegara asing yang diberikan kebenaran untuk bekerja di bawah subseksyen (1) adalah tertakluk kepada mana-mana sekatan dan syarat sebagaimana yang boleh dikenakan oleh pihak berkuasa yang berkenaan yang berhubungan dengan pekerjaan warganegara asing di Malaysia.”.

### **Pindaan seksyen 52**

#### **12. Seksyen 52 Akta ibu dipinda—**

- (a) dalam subseksyen (1), dengan menggantikan perkataan “Pada bila-bila masa semasa tempoh Perintah Perlindungan dibuat di bawah subperenggan 51(3)(a)(ii), jika” dengan perkataan “Jika”; dan
- (b) dalam subseksyen (2), dengan memasukkan selepas perkataan “ditempatkan,” perkataan “atau kepada pegawai penguat kuasa yang menyiasat hal keadaan kes seseorang orang yang diperdagangkan,”.

### **Pindaan seksyen 54**

#### **13. Akta ibu dipinda dengan menggantikan perenggan 54(1)(b) dengan perenggan yang berikut:**

“(b) dalam hal orang yang diperdagangkan ialah seorang warganegara asing yang mempunyai dokumen yang sah dan telah diambil bekerja, melepaskan orang yang diperdagangkan itu, atau dalam apa-apa hal lain sebagaimana yang boleh ditetapkan, melepaskan orang itu kepada pegawai imigresen untuk dihantar balik ke negara asalnya mengikut mana-mana undang-undang yang berhubungan dengan imigresen.”.

### **Seksyen baru 65A**

#### **14. Akta ibu dipinda dengan memasukkan selepas seksyen 65 seksyen yang berikut:**

##### **“Pekhidmat awam**

**65A.** Tiap-tiap Pegawai Pelindung, semasa menunaikan kewajibannya sebagai Pegawai Pelindung itu di bawah

Akta ini hendaklah disifatkan sebagai seorang pekhidmat awam mengikut pengertian Kanun Keseksaan [*Akta 574*].”.

### **Pindaan seksyen 66**

**15.** Subseksyen 66(2) Akta ibu dipinda dengan memasukkan selepas perenggan (a) perenggan yang berikut:

“(aa) untuk menetapkan kelayakan, syarat, tatacara atau apa-apa perkara lain yang berhubungan dengan pemberian kebenaran untuk bergerak bebas dan untuk bekerja di bawah seksyen 51A;”.

### **Seksyen baru 66A dan 66B**

**16.** Akta ibu dipinda dengan memasukkan selepas seksyen 66 seksyen yang berikut:

#### **“Perintah pembayaran pampasan kepada orang yang diperdagangkan**

**66A.** (1) Mahkamah yang di hadapannya tertuduh disabitkan atas suatu kesalahan di bawah Akta ini boleh membuat suatu perintah bagi pembayaran oleh orang yang telah disabitkan bagi suatu jumlah yang akan ditetapkan oleh Mahkamah sebagai pampasan kepada orang yang diperdagangkan.

(2) Berhubung dengan perintah pembayaran pampasan, subseksyen 426(1A), (1B), (1C) dan (1D) Kanun Tatacara Jenayah [*Akta 593*] hendaklah terpakai.

(3) Bagi maksud pembayaran pampasan, seksyen 432 Kanun Tatacara Jenayah hendaklah terpakai.

(4) Perintah pembayaran pampasan di bawah seksyen ini tidak menghalang permulaan apa-apa tindakan sivil di Mahkamah oleh orang yang diperdagangkan itu terhadap orang yang telah disabitkan.

**Perintah pembayaran gaji tertunggak dalam hal tiada sabitan**

**69B.** (1) Dalam hal tiada sabitan atas suatu kesalahan di bawah Akta ini, jika pembayaran gaji adalah tertunggak kepada orang yang dikatakan diperdagangkan, Mahkamah hendaklah membuat suatu perintah pembayaran gaji yang tertunggak bagi suatu jumlah yang akan ditetapkan oleh Mahkamah kepada orang yang dikatakan diperdagangkan dengan permohonan Pendakwa Raya setelah suatu inkuiri dijalankan oleh Mahkamah.

(2) Bagi maksud menentukan jumlah gaji yang tertunggak, Mahkamah hendaklah menjalankan suatu inkuiri dalam tempoh tujuh hari selepas tarikh keputusan itu untuk menentukan perintah di bawah subseksyen (1).

(3) Bagi maksud subseksyen (2), apa-apa keterangan yang dikemukakan semasa perbicaraan bagi suatu kesalahan di bawah Akta ini boleh digunakan sebagai keterangan oleh Mahkamah untuk menentukan pembayaran gaji yang tertunggak.

(4) Bagi maksud pembayaran gaji yang tertunggak di bawah subseksyen (1), seksyen 432 Kanun Tatacara Jenayah hendaklah terpakai.”.

**Kecualian**

**17.** Pindaan Akta ini tidaklah menjejaskan apa-apa perintah yang dikeluarkan atau dibuat di bawah Akta yang dipinda itu sebelum tarikh permulaan kuat kuasa pindaan ini.

---

**HURAIAN**

Rang Undang-Undang ini bertujuan untuk meminda Akta Antipemerdagangan Orang dan Antipenyeludupan Migran 2007 (“Akta 670”).

2. *Fasal 1* mengandungi tajuk ringkas dan peruntukan tentang permulaan kuat kuasa Akta yang dicadangkan.

3. *Fasal 2* bertujuan untuk meminda seksyen 2 Akta 670 untuk memasukkan takrif “tempat perlindungan”.

*Antipemerdagangan Orang dan Antipenyeludupan* 9  
*Migran (Pindaan)*

4. *Fasal 3* bertujuan untuk meminda seksyen 6 Akta 670 bagi menambah anggota baru dalam Majlis bagi Antipemerdagangan Orang dan Antipenyeludupan Migran.
5. *Fasal 4* bertujuan untuk memasukkan Bahagian baru IA yang berhubungan dengan Jawatankuasa Peringkat Tertinggi. Bahagian baru IA ini mengandungi 3 seksyen baru iaitu seksyen 5A, 5B dan 5C.
6. *Fasal 5* bertujuan untuk meminda seksyen 7 Akta 670 untuk membolehkan Majlis membayar elaun kepada orang yang diperdagangkan tertakluk kepada ketersediaan wang.
7. *Fasal 6* bertujuan untuk meminda seksyen 11 Akta 670 untuk mengadakan peruntukan bagi Menteri untuk menentukan fungsi Setiausaha Majlis.
8. *Fasal 8* bertujuan untuk meminda seksyen 43 Akta 670 untuk memasukkan subseksyen (1A) untuk membolehkan Menteri melantik mana-mana orang sebagai Pegawai Pelindung.
9. *Fasal 9* bertujuan untuk meminda subseksyen 44(2) Akta 670 untuk melanjutkan tempoh perintah perlindungan interim daripada empat belas hari kepada dua puluh satu hari.
10. *Subfasal 10(b)* bertujuan untuk meminda subseksyen 51(1)(3)(a)(i) Akta 670 untuk memendekkan tempoh Perintah Perlindungan daripada tempoh maksimum dua tahun kepada tiga bulan.
11. *Fasal 11* bertujuan untuk memasukkan seksyen baru 51A ke dalam Akta 670 untuk memberikan Majlis kuasa untuk memberi kebenaran untuk bergerak bebas dan untuk bekerja semasa tempoh perintah perlindungan interim atau Perintah Perlindungan.
12. *Fasal 13* bertujuan untuk meminda perenggan 54(b) Akta 670 yang berhubungan dengan pelepasan dan pemulangan balik orang yang diperdagangkan yang merupakan warganegara asing ke negara asalnya.
13. *Fasal 16* bertujuan untuk memasukkan seksyen baru 66A dan 66B ke dalam Akta 670 untuk membolehkan Mahkamah mengeluarkan perintah pembayaran pampasan oleh orang yang disabitkan kepada orang yang diperdagangkan, dan perintah pembayaran gaji yang tertunggak dalam hal apabila tiada sabitan kepada orang yang diperdagangkan.
14. Pindaan lain yang tidak diperkatakan secara khusus dalam Huraian ini merupakan pindaan yang kecil atau berbangkit.

*IMPLIKASI KEWANGAN*

Rang Undang-Undang ini akan melibatkan Kerajaan dalam perbelanjaan wang tambahan yang amaunnya belum dapat ditentukan pada masa ini.